

百名家詩選

百名家詩選

福清魏憲惟度輯選

蔚州魏象樞環溪宜興陳維崧其年

叅

遵化周體觀伯衡新城楊日升集虛

楊思本字因之新城人

山中觀雨

煙霧濛濛雨落如許竹葉低垂風來欲舉起視
前山眇無處所

酒醒得句

鷄聲亂唱月色照床游情復動結想花光

邂逅故人同飲

一望有寒意梅花點朔風過溪一嚼酒復爾故
人同苛禮既不設清談時與窮醉來各分手絮
別小橋東

酒肆

酒肆逢三子飛觥少一人憑君爲招引共此甕
頭春兩人呼侶去當筵我獨開停杯還復酌不
見故人來

占意二首

有懷獨長嘯無人誰共歡
念子隔河漢清商聊自彈
悟言愜千載凌空乘紫鸞
耿耿幾叢煙松風吹暮寒

亭亭山上松南北幾千步
一絲眇微塵來往枝巔度
問此亦誰爲精靈自吞吐
欲以贈離居濛濛薄煙霧

讀宗侯千里先生似陶館集

劉棻翻玄帙悠然見古人
不知何氏代但覺絕

驚塵漉酒花風夜彈琴桑樹春心清疑入夢韻
遠自傳神曖曖田居樂依依故里親冥虛乘化
外吾欲來問津

與公望讀書華蓋余窓外有綠竹森森一
似衆君子肅然在前令人起敬因賦與
公望

山窓旣絕塵萬竹居要妙壁立自森森穆穆真
同調鎮日向人靜微風時一笑亭午曜靈舒綠
葉還相照

六月初三日出山留別諸子

夜雨洗青山朝來壯行色烟雲互吞吐靈變非
比測此中有造化相觀唯泯默朗朗如若曹吾
言良可弋

舟曉懷公望

膊膊鷄初鳴萬物有動意明星向東出曉月行
看陸魚舟上下來呶軋成清吹因想城居人欹
枕還猶睡

題夢瀑壑爲安仁宗侯

廬山幾千仞屈注來天潢銀濤半空瀉日夜流
湯湯西爽有畸人節氣凌秋霜筆練五色綵濯
錦成文章對此有遠意泛舟欲塞裳字之以瀑
泉鐘鼎生輝光振振彼公姓畱硯雲烟香高懷
識夢寐事存不復忘清叅無纖塵匹練相飛翔
吾欲賦柔翰耑耑詎能詳

東曦姪相過有作

正愛此風日之子來英英後庭張几席簾影地
文生隨意傾筐皮悠然見道情不知坐闌闌呬

嗟午鷄聲

遊嘉和飲曾體元書室

相逢春日好共醉百春堂
箏度隨風曲花迎帶露香
戲魚清可數歌鳥狎相將
復有西園奏客心誠未央

又飲接龍亭

主人歡未已攜酒復登亭
層閣平飛影空櫺動吹聲
群鷺遠樹出一葉小舟輕
敬客如公子留連盡日情

賦別璵陟曦省親傳平

見說官衙遠驅車每計程陪京曾識面遠驛舊
知名畫意隨時出詩情一路生淵源接家學早
晚謁承明

到家喜晴

南望家山至遙延半日經只今風變暖便覺草
回青遠樹如新沐嬌花恰半醒芳春隨處是况
復鳥堪聽

立春贈林明府

玉琯吹春日歡歌處處生
槐庭鶴影瘦花罍篆
煙清雲洒神靈雨風和衆妙聲
中牟推第二蘭省競時名

題黃尹公畫卷

十幅琅玕紙千年卷畫詞
美人見雲氣游子惜花枝
雨落高唐暮珠投洛浦時
邁然春睡覺蝶夢更何之

桃花

園內天桃照綺窓園中少女復新粧
天桃少女

顏色變長坡走馬車輪轉
啣杯日落暮風吹高燒銀燭照娥眉

臘月同包叔賢涂子期姪公望踏雪南郊
天姥玉塵三萬斛飛向梁園蠹寒竹
男兒吐氣作長虹共酌花磁醉醞醑
衝風出騎遊南郊枝高拗折梅花梢
不辭傍人笑墮馬拾得明珠還亂酒

鬱金堂古意爲鄧遠游先生賦

層疊山飛雙鳳凰夾江流水浪花香
百種春雲

生雉堞萬家秋月照銀床春雲秋月情非一朱
第樓臺相對出也知勝地稱絕奇把似名都詎
相失名都何處鳴珂里鬱金樓閣天中起畫棟
嶙峋朝霧黃繡闥縱橫暮烟紫歲蕤錦幔掛層
檐每到花時盡卷簾曲室逶迤誰得見却傳一
線度銀蟾毵毵匝地春光好別有幽奇難比道
織作鴛鴦影便雙結就芙蓉香不老欣逢門露
不曾難雕甍時得舉頭看當街齊種三珠樹複
道同粧卅字闌中宵紫艷如銀燭燕姬趙女旋

粧束已知精舍盡藏書別有閒軒畱度曲樓頭
極目是誰家隱隱明窓映碧霞妖童指點啼烏
樹侍史爭傳來鳳花復有幽軒臨玉署六月寒
風自來去怪來一室獨妍和火井溫泉似同處
就中臺榭絕雲高却畱觀望廣陵濤八月靈槎
橫去後風分落紫雲璈碧雲呵護常如綺中
有僊人馮玉几娃字畱香勒簡書閑閑論功著
青史記得慈恩方少年長安寶馬珊瑚鞭揮毫
字字流珠玉顧曲翩翩醉綺筵彈琴出治分吳

越處處畱花芳未歇兩河赤子滿甘霖三輔貴
圖光日月滇南一道遠瑤京璽書直欲待親行
繡斧已教常向化朱旛何事復論兵幾載離家
歸未得板輿好在長相憶還轅得奉聖人書爛
斑喜見親慈色卽今宮詔復來催况復仙童嶺
上來漢主立霜和露吸魏王金屑向人開憶昔
桑田變滄海麻姑一會方平在忽經陵谷又千
年獨自長松春不改長松不改日皦皦十月桃
花照綠波是處傳杯還設宴等閒看舞復教歌

只今海上交遊遍稱觴半是金閨彥碧月裁成
白扇團花風吹上紅霞茜夜來春曙酒初醒王
氣青葱出鯉庭寶樹謝家真俊物青箱王氏太
寧馨東風喚起青絲柳綠髻朱顏爲君壽搨管
從來不讓人笑看金印還如斗丈夫意氣本凌
雲多才復遇聖明君已見贈金來太尉又傳賜
第到將軍將軍賜第鬱金堂鬱金堂上鬱金香
輕車行酒馬行炙挾瑟調絲方未央

池頭柳

春風蕩漾池頭柳。揉作金絲春未久。春水吹成
萬丈波。却教疊疊捲春羅。誰家春女池頭立。春
眼見人回不及。急將春袂掩前粧。春波暗射脂
粉光。岸上春人自來去。驚鴻走入春深處。春深
何處畫牆高。春鳥飛來叫百勞。春閨有人長嘆
息。絲絲春雨同愁織。春花妬雨不成芳。茸茸剪
出春草香。春寒陣陣人難睡。春酒將來仍未醉。
朝來春日射高樓。手持春扇盪雙眸。處處春圓
生嫩綠。春暖困人看不足。看光鎮日在誰邊。幽

卷之七十七

閨長是怯春眠冉冉暗催春漸去香箋歷亂題
春句春燈結作同心花馮將春夢遶天涯

東嶽別業古意

往余與鄧壺丘先生游杯筵歡笑罔不
相洽余爲拈鬱金古意及芙蓉樓賦先
生深相推許謂此何減古人是時東嶽
別業方成亦嘗與先生盤桓其中彌飲
竟日然締構之初未若今日集其全盛
也次公聲子雅敦宿好復同臭味每謂

余不可無作余心識之丙子春日偶過
家東曦開踏周回芳榭眄眄亭柯念哲
人之音徽覺山河其未遠因爾成賦

東風吹動長河柳裊裊牽絲綰垂手誰家別業
在東隈是處遊人相望久當關一閣最高頭開
窓直射水長流六月松濤齊入耳懸空清眇風
颼颼散步循墻知幾里匹帛叢花未云擬浣翠
亭深坐竹林未到亭中但遙指深溝一路遶門
前山溜泠泠春水鮮片片桃花飛入水流雲何

處問神仙到門但覺諸緣息一軒弘敞當心直
開光如月任長圓清省餘閒暢胸臆回廊屣步
見高臺高臺鬱鬱池中開橫使美人臺上唱響
入雲端吹落梅登堦上堂早飛越面面紗窓細
如髮窓中對射盡瓊奇掩映松風與蘿月松風
蘿月自年年淡雲微雨養花天向內數楹堪靜
寄幽蘭唼呷如清煙軒窓邊人難盡覩走入浮
園最深處園丁酌水沃盆花花上遊蜂任來去
遊時正值春風寒凭欄偃曝自相安架上葡萄

猶未綠却留朱實異時看轉入一堂還隱几掛
壁名文看未已幽深鳥語自開關閒想帶雲兒
朱紫堂前一樹古嵯峨石登周遭可坐歌地勢
既高見江水却言閣內流清波清波日夜流無
歇遙憶美人音塵闕清緒如絲寸寸抽織成春
錦何光滑當年賦就鬱金堂春風歲歲錦囊香
今日園中儼相對餘歡未已清歌長

長歌

建業燕臺兩帝京天教昭代造升平驅廉轉戰

千萬里蕩寇經營百二城神威聖武清河嶽雲
陣風師洗甲兵一統縱橫天仗出萬年詩禮卿
雲生卿雲天上苞符見醴泉地出珍珠濺簪纓
珪璧壯宸居聲名文物成芳甸將相調和邁等
儔士馬精疆時簡練居民俯仰無復憂司徒早
夜驅從善鶯啼日暖樹參雲犬眠風靜花如霰
三公吉日慶良辰數行清酒無荒宴綠野披簑
雨織烟曲室彈琴風拂絃機杼聲連絃上曲旗
帘影帶酒家筵酒家筵上無珍味貴客座前皆

不費布衣疏食賀豐年風俗紀綱成正氣正氣
歸來護國家清風從古自官衙甄表人人皆孝
秀文章在在擯繁華帝京兩建安南北祖宗天
受非人力正朔長頒徧地天異域欣承瞻視息
列聖相傳奉憲章先賢各自懋旂常海晏河清
非一日國泰民安來六陽也有幽風憂未雨也
有堅冰戒履霜二百年來稱盛世三百篇中警
太康太康半自時文靡年少浮華博金紫帖括
遞承無是非治亂無關忽經史貴人公子競豪

奢出入道傍皆嘆嗟衣香拂袖裁紅錦口脂勻
面耀朱霞朱霞紅錦爭相向倡樓夜宿紅綃帳
長筵飲啖闌時新華裾日夜求花樣南北雖然
風土殊千金一笑共歡娛使勢招權千百種攀
援納賄一齊輸風俗推移歸大老貪悞強半樂
奔趨遂有纏頭見起舞豈無金錯聽吳歛神宗
末年東事起承平日久無堅壘當事何人養亂
階喪師辱國從茲始孤兒百萬絜將歸教持弓
箭冒重圍二十年來身勢長中國悠悠付不知

水衡日夜催糧餉貪污橫索猶無狀經年經歲
事多端養成巨寇徒相望相望如雲復薦飢公
卿猶若太平時流寇何人不偵問積寇何年得
脫離持祿養交同燕雀論文較菰誇新奇已報
交交來盜賊猶自紛紛拜座師聖主殷憂宵旰
勞簪裾比比徒相視長爲孫子積金錢不知忠
義開朝市天崩地圻何堪道千古斯文同地掃
南山竹盡不勝書司馬懷慙董狐老人世瀕危
每見天綱常何事豈徒然轉瞬雷轟同電掣驅

殘一似逐飛鳶國家大勢源流遠伊耆姚姒同
堂建縱然花盛自離披風開風落仍歸本南來
一路有凝玉擁立金枝護金陵萬國同時思有
主三易從茲冀得朋得朋有主天回象何人鬻
爵猶招黨攫金白晝虛無人含沙射影如翻掌
橫使騎塵隨颺來過江容易城門開忿恨如前
夢草野幸逢主上識伊萊主上英明信神武朝
常事事遵皇祖十實同人挽樸淳一詔彌天覆
區宇窮荒絕徼且來歸北伐南征誰敢侮萬齡

依舊肅衣冠兩階行復陳干羽陪京何日拂塵
器長安何日共趨朝武緯文經臣稷契啟後承
前君舜堯三物有人敦節義四方無事薄征徭
都人士女欣相笑雲翔川泳共逍遙龍蟠虎踞
王都輦駿馬金臺賢士招鎬京郊廓繇來久曾
孫猶自咏飄搖

王孫招遊會仙巖不及意甚恨恨因賦

東望靈山覺路漫干霄直上見流湍陽回黍谷
春猶暖潮轉松濤夏亦寒橫使雲霞蒸絕巘迢

分烟月聳孤巒山人顧是陶弘景採得璚枝獨
自看

游從姑

探穴窮奇盡日行
岩荒幽闕此初經
苔痕不辨龍蛇字
松徑時聞鸞鳳聲
陟巘便疑登九野
臨池恍覺踏層冰
步蟾石上堪留月
還借銀河瀉玉瓶

饒歌

饒歌吹動柳條新
繡斧行邊社稷臣
開閣遠臨

天漢淨建牙遙護帝城春
烟銷翰海回兵氣日
暖胡沙清騎塵見說天朝須翊贊却將顏色照
麒麟

早春同涂子期舟遊

輕舟早與故人期
哈哈鶯啼柳未垂
兩袖乘風飛欲去
片帆將雨坐來時
村醪對吸渾無語
短拂閒揮若有思
歸騎欲嘶春不盡
草薰花暖日遲遲

司涂子期勉公不疑君實不害諸君踏鐙

聽諸王孫吹彈度曲

逐伴行歌月似銀燒鐙不夜漢宮春吹笙太液
誰家子擊鼓漁陽隊裏人嘯樹仙韶頻側耳穿
雲絕調足娛神春宵正永未堪去徙倚還聽別
曲聲

晴湖

平湖高處見行雲二月春明錦浪分日射金鱗
偏照眼風吹綺縠細裁文跳珠噴沫魚龍戲灑
雨爭飛鵝鴨羣延佇未須便歸去桃花新見點

江濱

臘月二十七日訪江如僧於山中時城市
正爾喧闐獨如僧了無一事靜看飛雪
歸後有賦

高窠深處避逢迎獻歲春臨喜見兄一僕應門
無吠犬環山種樹有啼鶯雪寒不凍先生骨道
隱惟多老佛名半日共成相笑事却教歸路遠
蓬瀛

閱旅菴難民圖志哀

從來兵寇也如林十六年來太不禁不忍看圖
真地獄却教何處問天心因循釁釀河山大苦
痛人同歲月深宵肝久知明主意憑誰親佐五
絃琴

懽僊曲

簫瑟朔風寒凍合橫塘暮曉起臨粧臺知有鶴
鴒路

今朝風太惡從歡索酒盃不分阿兒手攜冰作
鏡來

擬古

出自城西門城隅一頭樹有鳥哺其兒見人不
飛去

村塢無人行村民自來往不知城市春但道桑
麻長

阿翁提阿孫阿孫幾年餘問翁欲何似翁言孫
讀書

游雲川上浮長年照川水川民不荷鋤常時十
日雨

除日與璩爾助

君無半文錢我有千金意
雙手持贈君問酒成
陽市

芳草

芳草迎人意春風亂發生
一聲彈不盡相對古
今情

登仲隴

一望傷心處迷離杜宇烟
酒澆三尺土吾弟又
今年

喜朱幼晉至郡漢茗賦此

我曹淡蕩人窮交指松栢只此冰雪姿何歲無
顏色

和輔嗣竹上露聲

竹密烟霧濃泠泠切清響初疑疎雨聲開窓日
華上

懷仙十首

層霞深擁舊吾家簾捲真珠串露華隔斷五雲
多少路春風幾度碧桃花

一望平原生紫烟
踟躕鶴舞在芝田
吹笙却是誰家子
騎向瑤池採玉蓮

電掣金蛇乍有無
遙知帝女共投壺
玉塵萬斛今輸却
尚有玄霜在絳都

寶殿寥陽玉作成
當年曾聽火珠經
如今不在絳經處
千頃琉璃空月明

昔年仙子共徘徊
雙手親擎燭夜盃
醉舞霓裳分五色
紅光化作采雲堆

曾從仙侶賞花辰
同駕蒼虬訪玉真
自是劉安

鷄犬過人間錯認作浮雲

青宮銀榜謫仙題松樹親栽與鶴棲封鎖洞門
人去後知他今日與雲齊

聞聞金風下界飄聚仙樓上一吹簫等閒驚起
秦家鳳飛向咸池萬里遙

一點齊州一點烟只今滄海舊桑田
筭來又是蟠桃熟持向仙都祝萬年

萬疊蓬山隔海圻麻姑今日是相知
東皇舊主如相問尚少神龍一隻騎

夢遊三首

踏鐙歸來似醉非醉似夢非夢有麗人
焉鼓瑟吹笙動成三五東都舞妓南國
歌兒媚眼橫詞猶能記憶因賦

不捲珠簾春暗明啼鵲吹血紫苔生無人得似
司花女日傍君王玉輦行

右將花者

細蟬金雁消停久含恨羞看疊勝環多少寂寥
聽不得低聲故意唱陽關

右舉琵琶者

新粧接葉花如許落罷鶯啼日漸長獨自籠樓

春不盡紅蘭香後白蘭香

右吹笙者

春日宮詞

魚鑰重重是主恩
誰教紅雨灑春溫
兒今已似西宮柳
盡日斜偎見枕痕

夜落金錢花詩奉酌簡吾叔

粉汗香鬚盡日紅
玉簫吹斷暮樓鍾
風清欲墮知無限
入曙烟銷翠葉空

花落花開不用悲
李娃新寵漢宮時
若教顚顚枝頭死
何似芳魂死後思

值日和王孫韻

天山昨夜雪花漫去老孤城一劍看分得將軍
桑落酒吹笳不見入邊寒

楊花撲地隱層城寂寞長門冷玉笙却道聖王
恩意重無端木筋亦關情

小苑芙蓉

等閒秋水淺深叢花發寒塘夕照中却怪無端
貪結子殘脂剩粉亂隨風

怯露凌風半欲垂吳王江上醉西施嬌姿婉轉

春無限雙袖扶頭舞罷時

月夜偶占

金穗籠烟炤藥欄偶從吹簫過雲間前頭屈指
興亡事月冷松寒千萬山

檀郎

紫帳流蘇捲復舒別來曾得下階除須臾日射
明光牖照見檀郎架上書

美人春睡

芍藥花開一兩枝蓬鬆春睡日遲遲官中怪得

無多樹不似章臺鳥亂啼

春閨

自剪紅羅穩稱身十分才地自宜人
閨中無甚閑情事惟有年年暗惜春

惜春終不見春留流水年光轉
玉溝閑恨日斜青柳暮遙憐風起白蘋秋

宮詞

盡日長門晝漏遲
玉簫閑向個中吹
君王只道無傾國
誰信蛾眉阻畫師

春閨八咏 有引

春女思秋士悲大概云耳乃其關切處
政在春未來時秋未到時極寒極熱之
際忽然而和風拂人芳衾夜暖忽然而
冷風一點沁入肌骨此時不覺逗漏其
中或神爲動或魂爲驚若到後來不過
與蜂喧蝶攘落葉森森揉作一團如夢
如痴光景耳

春曉

楊因之

主 枕江堂

珊瑚枕上覆鴛醒
隱隱銀瓶汲深井
重圍猶似夜時春
舊鵲聲聲來喚人

春朝

十二高樓銀母面
繡幙頰盤紅尚淺
輕雲細掠乍來時
妾自安心郎畫眉

春晝

百花欄外蜂媒路
盡日教郎何處去
倦來隨意數花鬢
錦堂偷得坐氍毹

春夜

宮錦日暮啼還歇共擁金屏燭花發芳衾疊就
玉羅香姓轉爲歡春夢長

春晴

楚鐘未發曉鶉起纖雲織作紅羅袂湘簾影裏
問郎來沉醉花前好夢回

春雨

簾纖占斷秋千影點點簷花啼素綆樓頭莫問
蝶飛霎爲郎催起柳條長

春寒

荳蔻梢頭花信緊紅酥凍却香檀暈玉醺銀鎗
春事濃吹笙閣裏共薰籠

春暖

碧桃紅綻東風滿香衫畫褶還凝汗高樓貪得
看遊人手剪輕紈持贈君

秋窓八咏

秋月

乳鴉聲碎梧桐影泠泠一片秋光冷細讀芝泥
玉版書却憐今夜好蕭疎

秋風

吳娥一曲庭花落天遣吹翻到林薄古樹夢清
夾路開西軒夜半擁潮來

秋雲

昨夜赤龍飛不起啾啾擲入西河水五老峯前
一縷烟隨風吹滿落霞天

秋水

一點孤煙寒杜芷沙中篆籀已如此方銅照膽
午風颭古鍊冷光吹不流

秋桂

城南樹老烏生子白月寒香新叫起紫金簌簌
露花飛寂絕空山人未歸

秋雁

蕭蕭驚起黃蘆下散落秋聲滿原野淡雲窩裏
打盤旋目窮千里渺如烟

秋砧

梁王苑中竹啼露班女深宮泣純素誰家月影
照千門擣盡寒風吹淚痕

秋鞠

合歡帶纈茱萸紫碎霜一夜吹寒藥先輩莫愁
呼酒筵芙蓉屏幃擲金錢

小雨

冉冉連陰晝欲暝山門閒坐未常扃分來遠墅
三分雨添却平疇一寸青

春朝同東曦姪孫讀書啜酒

後號集虛

渾金璞玉吾家子甘雨和風天上人手把一經
寒共校更攜溫酒自然春

春思

春情萬疊向風薰
入夜吹成一片雲
紅燭漸欹香漸歇
不知何事尚思君

溪水

峯巒直上最高峯
山徑無人花自紅
溪水不知離亂事
涓涓直向海門東

百名家詩選

福清魏

憲惟度輯選

宛平田種玉遜菴

大名劉元微夢閣

新城王士驥隴西

南城吳學炯星若

叅

劉維禎

字瑞公武進人

述懷

徘徊空宇內惻愴莫我知
回飈淒以厲旅雁相
因依良辰逝安適感時使我悲
緬想巢居子遐
心世所希自非曠士襟疇能樂
調饑

大鵬狹萬里斥鷃適數武遠近雖不同小大各有取曠觀瀛海內浮雲變今古達人知止足昧者徒踽踽放意撰良辰爲樂焉可數無爲將大車沉憂日應撫

南國有佳人獨處依空幃容華艷桃李羅衣猶電揮含情未及宣脉脉託離徽素手拂朱絃曲終有餘悲清泉石上流別鶴夜中飛愁多理清曲知音非所希

長安有故侯乃種東陵瓜當其得意時鐘鼎何

是誇榮枯非有常俯仰奚咨嗟願同安期遊焉
步太清家下視軒冕客委棄同泥沙

瓊觀

出門當溽暑開襟縱幽步涼飈蕩炎燠浩蕩賞
心適輕烟生樹杪層巒障雲路俄看明月迴旋
夜清輝布棲鳥驚沙渚漁人宿汀露曠焉釋拘
腸忽動滄洲慕

游子吟

迢迢天路迴發發北風揚游子欲何之溯洄以

傍徨登高望故國但見浮雲翔殷勤訴所思援
琴引清商爲鼓一再行涕下霑我裳壯夫事遠
遊離別固其常所念故與親南北各一方嗟嗟
勿重陳騷歌自古傷

十三夜同君身舅氏對月

旅思不遑寐攬衣步前楹歌嘯未終已皓月忽
已明圓景澈絳霄清輝麗飛甍佇立夜將半玉
露淒以清顧景念在歲聚散感人情今夕爲何
夕邂逅跡復并良會難屢值得酒聊自傾不見

雲間月三五缺復盈

送舅氏還江興

涼颿度秋嶺歸時日將暮我送舅氏歸揚舠宛
溪波落葉正飄飄征雁聊可數顧望影已遙離
憂將焉訴追問何時來深秋肅其羽聚散非有
常惻愴何能賦別後應更悲重陽足風雨

雜詩

獨處忽不怡東臯縱余步玄雲自天合咫尺多
風雨驚鴻褰反音晨風斷歸羽感物多所懷躊

蹶日將暮

擬古

悠悠道云遠冉冉歲將徂念君行不歸泣望天
一隅萬里隔容輝關山安可踰候雁辭故土黃
鵠凌雲衢中夜愴然嘆同袍與我殊思欲隨晨
風又復不須臾音息邈難達何由致區區願君
割情戀善保金石軀

高樓一何綺垂楊映深曲翩翩雙飛燕自繞雕
梁宿樓上誰家妹皎皎顏如玉良人處雁門歸

期香難卜坐歇芳春時秋風入華屋深夜獨倚
樓沈思聊躑躅

翩翩郢中兒冷冷發皓齒冉冉歌陽春引商雜
流徵渺渺思入雲悠悠清徹耳知音古所難衆
人聽其似曲終和者誰太息何能已

七級途中作

朔風吹塵起驅馬欲何之歲暮輓輪急公事有
程期道逢百夫長群從何施施得志左右盼對
面不相知失意立談閒悍丁多怒辭令長愛百

姓惜哉徒爾爲時事固如此歸來但自嗤

過箕山

萬乘難足慕丘壑良自安巢由棄軒冕高風天
壤間聞唐已綿邈慨焉發長嘆末季道陵遲寵
祿誰不干失路俯仰中利竭名亦殫偃鼠期滿
腹知止哉用難箕山何巉巉潁水清且寒伊人
在何許冥鴻相與還

月下吟

涼秋九月雁在天明月何心照我前銀河清淺

不能渡白露橫空真可憐人生變態無窮已古
來明月長如此今年望月在長安明年踪跡知
誰是月落空梁風滿樓颯颯吹人空白頭搔首
微吟明月下關山何處不堪愁

題劉顧新画梅

中庭明月出復沒舉頭忽見梅花發問誰有力
移植此劉生大笑余能爾丹青弄筆等閒事彷彿
冰容照滿紙悄然坐我孤根旁冷艷飛來覺
有香寒心應入廣平賦落額羞爲公主粧古今

畫家亦無數如君自寫胸中趣縱筆一掃花縱
橫斷魂恰似江南路蕭疎淡影懸新障寂寞幽
光發毫素幽光淡影非人間欲折一枝供歲暮
劉生慷慨意有餘揮手相贈莫躊躇歸去清芬
携滿袖詩成霜雪散前除山中自有高人卧杖
屨他年安所如

得白筠心書知有石梁之行賦此言別

昨夜春光度溪壑獨坐寒齋苦蕭索忽接雲中
尺素書翻使離愁生郡閣憶君慷慨俠者流與

君相好復同遊秋風把酒琴高渡明月題詩謝
眺樓意氣相傾真不偶不謂別來今獨久已悲
江上寄寒梅謾向天邊歌折柳聞欲乘春度石
梁敝裘孤劍促行裝芙蓉岡上相思切大別山
前清夢長昭亭南望空回首不得臨岐把君袖
執管那令逸興飛援琴祇引清商奏嗟余年年
思故廬憐君歲歲出無車丈夫未稱平生意明
目扁舟信所如

憶昨行寄黃長蘄

憶昔遭逢正三月奮欲乘風向金闕是時親友
皆追攀一遇黃生舟卽發意氣相傾興轉豪眼
看世上如鴻毛黃河浪黑淮水白論文氣與秋
天高金門獻賦動天子曲江春宴開聞喜聯驄
道上生輝光柳暗花明過燕市興酣同上寶釵
樓喚出佳人字莫愁樽前爲我彈箏篴日落西
山翠已收與君欲去尚夷猶隱隱金波藏薄霧
玉漏沉沉失歸路興闌緩步傍宮牆何處新聲
暗中度陌上看君信可憐朝朝痛飲落花前知

已相逢無促憾那知別思在誰邊今君起草明
光皇我獨扁舟渡宛水叩缶擊筑和者誰燕樹
江雲幾千里回首少年樂事多何時對酒共高
歌

寄姚際斯給事

君不見姚君意氣多磊落二十聲名滿京洛壯
歲拜官青鎖闥肯與千人同諾諾憶初射策金
馬門與君同日承君恩鳴鞭遙指曲江碧花光
柳色搖金鐙看君偏儻無與比慕君爲人把君

臂訪頻過碣石宮停車共攬西山翠詎知世
事同蒼狗春明折柳遙分手淨夜鳴琴猿鶴怨
青天擊劍蛟龍吼聞君今已厭承明余尚微官
滯宛城猶軒輊惜故人別雲鳥深知傲吏情嗟
哉此意人難盡遙望江天淚橫臆黃金臺上空
嶙峋疊嶂樓邊悲偏側海內交遊重知己日落
孤城徒倚徙功勲名位會有期慷慨高歌望吾
子

題明鏡庵梁于喬画竹

古今画竹有幾人吳生好手稱第一後來繼之
有與可兔起鶻落疇能測古人毫素不可得遂
使筠軒日蕭瑟忽然惟此還舊觀問之乃是梁
生筆梁上善画逸者流氣酣落紙梁園秋淡烟
細雨看不見翠影清光坐獨幽懸之空堂聲淅
淅四座陰森不可留蛟龍怒爾恐飛去洞庭波
今帝子愁山中老僧苦愛竹乞得梁生画此幅
相對空疑雪欲侵無心祇見雲相逐我有高懷
未能寫性本漁樵慕山野與爾相携向竹林日

日臨風共蕭灑

春燕行

去歲秋風入金屋燕子辭家度寒谷忽見春光
憶故巢飛來仍繞雕梁宿雕梁猶在故巢非回
思舊日增欷歔唧泥却恨身無力欲語先愁音
漸微不惜陽春那可得暗入風簾心惻惻昭陽
殿裏羨雙棲白玉堂前憐隻翼誰家思婦淚潛
潛燕子南來人未還幾看玄影流青鏡空有紅
襟映翠鬟春夢醒時天欲曙燕子飛飛依舊處

夫君此日定思歸只恐君歸燕已去

鶴池

衛靈公養鶴處

嗷嗷九臯鳴翩翩整羽飾本是林壑姿何爲在
君側一朝盼睞殊等倫分餐玉粒乘華軒只言
游戲依臺沼那知烽火照郊原鸚鵡紛飛障雲
黑國人驅鶴與之敵嗟爾幽禽何所爲欲報君
恩恨無力乃信遭逢自有時姬文靈囿焉可追
不如戢翼五湖畔明月清波濯素輝

三槐堂遺址

劉瑞公

卷之七十八

七
光緒

王公世德昌三槐植新堂朱甍廣廈不復見荒
烟野草徒蒼茫今昔興衰固可期行人過此勿
生悲汴京宮闕久泯滅公卿第宅那可知况聞
文正之子孫徙居中州爲清門始信仁者必有
後坡公此論終不謬宋代名相得幾人一時寇
呂難其倫如公勲業已千載世事浮雲安足論

弇山

我來莘邑慕弇山謂言陟險愁躋攀層巒翠嶂
須歷遍謝公屐齒折其間策馬還來窮勝跡碎

石岬嶮不踰尺荒郊未見雲峰起井闌徒對寒
泉碧茲山得名真是奇疑若一蕢之所爲不然
風吹作平地滄桑陵谷焉能追且放襟抱休徘徊
達人曠觀無不可泰山培塿何異哉

渡江

吳淞滄江上烟波此一方風輕漁唱入霧歛淨
岑張岸草搖空碧秋山麗夕陽冥冥帆去疾幽
興獨難忘

六合道中

北望知何極行吟古道旁
荒烟迷六合秋色滿
雙塘霜早驚蘆白
天空見鳥翔鄉心隨落日縹緲度山岡

野泊

扁舟何處泊迴望夏雲多
遠嶂浮青靄長風起
白波乘流隨釣艇沽酒雜漁簑
不覺山村暮蕭蕭夜雨過

遊敬亭山

策馬陵危磴携尊坐翠雲
溪聲巖下度山色鏡

中分鳥去高原迥林空落葉間山來名勝地懷
古意殷殷

雪中還宣州與筠心分韻

歲暮偏爲客征途只自勞乾坤雙白眼風雪一
緇袍流水盪歸槳輕寒冷佩刀知音原自寡鄩
調莫孤高

孤燈明野店客夢冷清宵曙色催征騎寒光照
濁醪鷄鳴五夜盡雁度一聲高莫唱關山曲離
情正鬱陶

舟次水陽

烟波渺無際，迥望白雲空。
斷岸餘殘雪，輕帆掛遠風。
人離歸夢後，寒盡客愁中。
此際嗟行役，傷心南去鴻。

舟次宣城

試向寒原望，西山日半斜。
孤望鄉歌自紆愁，生濕青衫雪。
積埋鵝徑雲，迴隱片帆敬亭應咫尺飛鳥下層巖。

送筠心還常州

澄江晴望迥送子陟江濱白雪憐同調青山戀
故人琴聲淒永夜劍氣凜延津余亦思歸者風
塵負此身

元夕

玉笛飛江閣銀花燦宛津共看今夜月不是故
園春散步將安適疎燈獨可親鄉愁容易入歌
舞漫教陳

得楊東曦書

北望長安道喜君疋馬還秋風題雁字寒月度

鷄山別淚江雲外交情落照間
援琴思別引流
水亦潺潺

送徐山甫之旌德

棲棲不得意况乃別愁生
對酒官仍冷看山客
獨行野花隨路發春鳥
向人鳴此去多幽興知
君過此情

春日雨懷

江城連夜雨無計奈愁何
積晦藏山色沉雲宿
晚波蒼茫成獨坐寥落
起悲歌料得田園好春

風長薜蘿

舟發宣城

六月偏行路孤舟向遠村
風塵徒自笑心事與誰論
日暖雲光薄沙暄水氣昏
祇應林下住高卧掩柴門

秋雨

漠漠烟光晚陰陰澤國秋
山雲常抱雨沙岼欲奔流
羽濕迴衙雁風翻沒海鷗
故鄉溪水隔霜葉迥含愁

紛紛木葉下泚泚洞庭波欲訪伊人去其如秋
水何樵舟橫短楫漁舸隱青蓑未遂滄洲願空
山掩薜蘿

山行

爲愛秋山爽良朋手共携入看青嶂曉時與白
雲迷落葉隨行跡人烟冷斷蹊行吟不忍去歸
路日將西

題錢夫人節井

井在華胥之旁甲申之警邑令錢公堅

守旬日夫人度不免於難懷幻子入焉
侍婢亦以身殉邑人重其節烈名其井

曰節井

翠閣烽烟逼愁雲慘不開倉皇辭玉鏡寂寞掩
泉臺寒燹生春草銀床覆石苔豈惟洲水上竹
淚使人哀

碧井依然在香魂得返無清風吹檻側明月冷
庭闕舊恨傷鉛粉餘悲墮掌珠祠堂有遺樹夜
夜聽啼鳥

傳道懷沙日相從有侍兒紅顏無復恨黃鳥至
今悲鬼火燒荒砌浮雲結素帷芳魂歸碧落化
鶴是何時

伊尹耕莘處

阿衡未得位此地昔躬耕塗炭一夫耻浮雲干
駟輕幽谷辭幣帛聖主繼弓旌荒徑依然在悠
悠萬古情

冬夜別友人

颯颯寒風向北吹驪歌唱罷不勝悲城邊野戍

依雲斷嶺外孤鴻度月遲揮手兩分游子淚停
杯一與故人辭明朝寂寞滄江上懶上高樓獨
賦詩

過項王墓

荒丘聞說塋重曠白草茫茫古道中一戰諸侯
空鉅鹿千秋父老吊江東舳艫晝暗蛟龍雨松
栢朝呼烏雀風嘆息英雄虛霸業至今遺恨滿
幽宮

登甘露寺

歸路一登甘露寺窮途攬勝興猶賒江分南北
開天塹山峙金焦長白沙塔勢盡懸蒼海日波
光曉接赤城霞凌空賸有扁舟意莫遣鄉愁到
水涯

溧水道中

日淡霜天冷翠浮平阜一望曉烟收懸崖恠石
當人立曲徑虬松俯壑幽出岫無心雲自得歸
林何意鳥相求山川到處供吟眺莫嘆風塵此
浪遊

宛陵晚發

刁斗聲傳四野多驚心
風鶴竟如何未堪懸劍
青乘險况復褰衣曉渡
河江上烽烟沉鐵鎖秣
陵風雨暗雕戈駕言四
牡將安騁徒羨山頭一
鳥過

宜興舟中

烽警南方寇未除扁舟
獨載病相如漫嗟白屋
餘空壁且喜青山近故
廬夜月蘆花垂渚冷秋
風落葉隔林虛買田陽
羨如何日澤畔行吟自

卜居

遊醉翁亭

陰寒不廢看山興
路轉峰迴到上頭
深竹蕭蕭人境杳
疎梅寂寂小堂幽
鐘傳古寺烟將暝
雨歇空林翠欲浮
覓勝行吟思共遠
風塵莫遣有離憂

山半孤亭翠欲飛
登遊漫惜雨沾衣
苔班松瘦蒼崖古
鳥語花香白晝微
檻外流觴依曲澗
峰頭清磬落雙扉
便應晞髮崇岡上
日日看雲醉

不歸

七夕公讌送毛倬人之燕和韻

檻外涼颺動晚風清光半入綺筵中初飛一葉
侵杯綠斜度雙星映炬紅砧響蘭陵催別騎鴻
高燕北吟秋空明朝分手天邊去此夕青樽永
易同

懷白筠心

石梁風雨接江潯對水看山別思深兩地久懸
明月夢尺書因見故人心棲遲我有潘生拙落

魄君無季子金遙指前期猶未定天涯回首一
沾襟

懷王侯在

隔江雲樹思悠悠又見花明謝朓樓好夢未通
青草路題詩且寄碧山頭故園春晚流鶯坎疊
嶂風高雁羽愁一自河梁分手後匣中夜夜牖
吳鉤

送賈仁侯學博之祁門

載儲官日把杯謝樓明月每徘徊青氍同作

江城客綠帳仍推落下才暮色遙看溪水合秋
光無際石門開經過勝處應題句卻望新安雁
影來

寄張幼玉

每憶梅溪花發日相逢樽酒爲君開五湖放棹
知何處一笑浮生定幾回作賦自同庾信體驚
秋誰念楚詞哀謝公樓上遙相望惟有孤雲日
往來

登白雪樓

劉瑞公
卷之七十八

七
沈工堂

寂寂朱樓對碧湍
倦遊孤客一凭闌
青山自繞名流宅
白雪猶懸異代看
萬井爨烟浮檻外
重城雉堞隔林端
登高亦有懷人思
詞賦於今和獨難

同鄒惕庵遊大名湖

高閣參閣俯碧流
芙蓉十里繞芳洲
臨風暫繫青絲轡
遲日徐開翡翠舟
座上行杯彈趙瑟
花前按拍舞秦謳
習池風景渾無異
好向山公續勝遊

九日

金風淅淅曉窓寒
四望荒郊木葉乾
賓雁一縈天外度
黃花無數客中看
十年旅宦功名薄
千里鄉關道路難
秋色催人最蕭瑟
濁醪相對且爲歡

喜雨、

遙聞圭璧罄長安
聖主桑林動百官
芻牧祇深勞吏責
雲霓先得老農歡
風吹綠野含膏潤
暑退荒齋起暮寒
寄語田間勤耒耜
十千歲取

不爲難

燕

不辭倦翮共廻翔應候南歸道路長
向戶應知尋故壘入簾櫳自惜春光
人前細語離梁晚花底啣泥紫幙香
猶喜相逢舊相識年年翹羽上君堂

寄王貽上司理楊州

共說江都去偏宜董相才
濤聲胥浦入秋色廣陵開
明月邀仙侶閒雲度酒杯
公餘饒宴笑叅

佐見風裁政績初
邦水文章自選臺
蕪城應有賦雁影
莫空來

寄贈侍御顧季蔚巡按楚

蹀躞花驄走漢陽
冰壺秋映楚天霜
繡衣共羨行江夏
簪筆常思入未央

幾年草奏鳳墀前
此日埋輪鄂渚邊
欲識臣心清似水
洞庭秋月正涓涓

趙夫子再至宣州賦

一官何意滯江城
苜蓿闌干春又生
猶是馬融

門下士談經終愧鄭康成

少年行

年少風流白袷狂更逢遊俠是咸陽黃金百萬
一時盡笑謂文君典鸛鵲

十年結客氣偏投不數當年荆聶儔俠氣千霄
人不識樽前夜夜看吳鉤

採蓮曲

玉潑金塘勝若耶綠波深處採蓮花
裙猶濕擊腕風前鬢欲斜